

杏林餘興

番外書冊

詩集文集


						和書門
					二六四八九	
					七〇	
					一六	
					冊架函號類	

單

584

庫文閣内		内閣文库	
二〇六函	二〇六	番號	和 26489
二一	一	冊數	1 ( 1 )
架	冊	函號	206 584

206-584





了菴今邨先生著

杏林餘興

敬業館藏

508-284



淺草文庫

杏



鳴

来



牙

文久紀元龍集辛酉

夏六月

學富齋





杏林餘興引

商確古今諷詠人物亦閑適之一韻事而不無  
童觀資益者猶醫家有脈方歌括等書以裨于  
後學然矣昔者尾張岡田挺之據伴蒿蹊著詠  
畸人得八十八首世以為佳話尔後未聞鑿家  
有此舉每以為憾焉余友今邨衲卿賦名醫若  
干首以示余之閱之其人之風采其術之精詣  
盡於塵之二十八字是宜與歌括並存而傳也  
烏得以小詩而忽諸



文久辛酉暮春

淺田惟常誌

茅野色書

杏林餘興

小自在

皇國名醫傳三卷。吾友栗園所著也。翻閱  
消閑尚友之樂。為與諸先輩把麈論談于  
一堂上之思。愉快何如哉。乃每讀一傳。輒  
題一詩。又以樂焉。但文筆之拙。不過就傳  
中賦其一斑。今抄三十六人者。例所謂歌  
仙之數。非趣舍挾意也。若夫美刺其人。是  
非其論。而加褒貶。世自有人。余豈敢。

了菴今邨亮識

了菴



曲直瀨翠竹院名正慶字一溪通稱道三平安人

翠竹千尋凌九霄寵號使世仰高標醫門稱譽中興祖講究金科又玉條

長澤道壽号柳菴土佐人

學分大小設科目祖述素難窮李未用意須知土佐用至今藥店別稱呼

永田德本号知足叟三河人

功驗若神人似仙掛囊賣藥百餘年峻材曾療大君日照例纔收數十錢

古林見宜名正温通稱見宜播磨人

擔道唯將壽此民官階曾謝眼中塵見機使水如烏附浸灌善回枯木春

山脇養壽院名道治字玄心岐阜人

精思運用比東垣寵遇終年侍至尊不可一旬無道作勅言曾表國醫門

岡本一抱通稱為竹号一得齋

課窓繼日費膏油砭砭拈毫不敢休親切開蒙志堪仰殺青萬卷汗黃牛



名護屋丹水名玄医字富潤号

卓然見古折其肱瑣碎後方不足憑如向秦時取比喻唱兵先起一陳勝

後藤良山名達字有成通称佐一郎

起業原由其至性可知仁術濟斯民嘗將順氣為治要點化素靈功入神

北山壽安名長通稱壽安号友松子

古傑為風事快哉且看賊博縱其才不唯救病救人急時擲資財代藥材

稻生若水名宣義字章信通稱若水

年四十餘著千卷當時本草得君新多方討探殆相似物色難遜巖穴人

阿部將翁名照任通称友之進

幽陬僻地入遐荒芬香到處滿行囊曾使清客駭歎異一種黃芩揚國光

林一鳥奥州岩城人

善治水腫藥投機講究軒岐術入微誰思終乘海氣運一鳥能化大鵬飛



杉山和一夫和

針治挽起往時春功業堪慚橫目民流派世間  
無不澤不成人却是成人

奧村南山名良筑越前人

業始行時過六十可知培植實其根發明吐法  
長貽世俊傑著名多及門

荻野台洲名元凱字子原金澤人

東宮尚藥沐天休豁達豪襟絕品流千古美談  
何快活纏頭一擲味俳優

香川脩庵名脩德字太冲号一本堂

專推師說道逾新著述疊編殆等身灸炳呈功  
衆咋舌京師當日洗醫人

山脇東洋名尚德字玄飛号東洋

原學傳書已上堂遂研醫道肘青囊解尸檢腑  
君為始善用石膏當桂薑

吉益東洞名為則字公言通称周助

為斥後來温補弊毒能攻毒語驚人英雄原是  
陷城手却把刀圭活此民



吉益南涯名猷字脩夫

先人起死幾千百可識餘慶生此兒一毒家言  
固過激更論氣血建繩規

惠美三白号寧固廣島人

吐餘用吐瓜蒂散人所不能我得天食慾常言  
勝色慾平時麥菜以身先

永富獨嘯菴名鳳字朝陽通稱鳳助

務向醫門闢古道漫遊記事筆曾酣天如假壽  
誰爭地豪邁抽羣獨嘯庵

龜井南溟名魯字道載筑前人

傑士由来不可羈前途早已被親知先師志業  
兩全得出也偽人逃也醫

望月麻門名乘字君產通稱三英

東西相敵比當戈至竟贏輸果若何豪氣比他  
雖少讓較論學力過多多

福井楓亭名輓字大車通稱立助

大帛裁衣戒奢俗良材擇藥重人身是知天道  
無虛報家向東西並作春



賀川玄悅彦根人

救一人全二人命仰君手術出新奇不依師說不依古著本翻標百世師

中西深齋名惟忠字子文通稱主馬

杜門覃思世年餘欲把傷寒作注書古方闡發精而密却被世人疑術疎

山田圖南名正字宗後

集成辨正同時就並為長沙解析微藥伏神巫事極快可知治術達權機

岑少翁名逸字班如長門人

獨依師說處方神峻藥投機手作春我行正而病者信其言可以識其人

村井琴山名桃字大年隈本人

依師了得古人心撇却斯文入杏林易箒時猶不易守毅然薦信道為任

和田東郭名璞字韞卿通稱泰純攝津人

不偏不執立中央運用後方兼古方紫禁弄璋功與焉良醫果信抗良相



池田錦橋名獨美字善卿通稱瑞仙巖國人

苦心繼興祖先倫摩厲多年技入神後世痘瘡何險惡天公假手救斯民

華岡青洲名震字伯行通稱隨賢紀伊人

洗腸刮骨起沈痾併取華夷窮揣摩妙手無人  
不稱譽今華岡即古華佗

桂川月池名國瑞字公鑑通稱甫周

雖開洋學審差別不攝內治課後生技業一時  
傾世去遠人海外識其名

原南陽名昌克字子柔水戶人

一時遠近姓名奔大筆宜稱小杏園捐棄華文  
主實用著篇無不賜醫門

津田積山通稱玄仙白河人

雖括青囊潛僻鄉名聲顯焮布遐方茶談莫道  
屬卑近賽過虛論文飾長

多紀桂山名元簡字廉夫通稱安長号櫟窓

天下醫流仰斗魁名家遺業有由来刀圭所向  
誰衡抗武斷弊風城壘摧



菊延辛酉

文久元年辛酉六月

今村了庵著

源京屋新号

BOOKS

飛



